



**Mahatma Gandhi – ina vita per la pasch**

Mahatma Gandhi, assassinà avant 70 onns, è daventà simbol da la resistenza senza violenza.

2



**Pomover la musica dals giuvenils**

Il District da musica 1 s'engascha cunzunt per la promoziun da la musica tar la giuventetgna.

7

südostschweiz

# LA QUOTIDIANA

Redacziun: Via Sommerau 32, 7007 Cuirra, tel. 081 255 57 10, redacziun@laquotidiana.ch

## Confidanza a Corinne Staub

■ (anr/abc) La radunanza generala ha buca stuiu discutir d'in'otra persuna che duei tgamunar l'organisaziun turistica Sedrun Mustér Turissem (SMT). La Turitgesa Corinne Staub ei la nova presidenta. Cun 61 vuschs ha la gronda pluralitad dau a Staub la confidanza. La possessura d'ina habitaziun da vacanzas e specialista da marketing e communicaziun ha declarau en siu plaid d'engraziament ch'ella seigi dependenta dil sustegn da tuts. Responsabla da crear l'unitad da Tujetsch e

Mustér eis ella buca persula. Aunc avon ch'eleger la presidenta ha la radunanza generala concludiu d'alzar il diember da suprastonts da tschun sin siat persunas. En uffeci sco representants da lur vischnauncas restan Robert Cajacob per Mustér e Renato Decurtins per Tujetsch. Candidau per la collaboraziun culla presidenta Corinne Staub e cun els dus han tschun ulterius persunas. Mo quater posts ein denton stai d'occupar.

> PAGINA 3

## Onur per l'autur Dumenic Andry

Premis svizzer da litteratura per in autur engiadinais

■ (anr/afi) L'Uffizi federal da cultura ha surdat ils Premis svizzers da litteratura. Il Grand Prix svizzer da litteratura survain ingon l'autura tessinaisa Anna Felder per sia ouvra cumplensiva. Yla Margrit von Dach vain onurifichada cul Premi special per traducziuns chi vain surdat mincha seguond on. Sper quists duos premis principals sun gnüts surdats set premis da litteratura. Eir l'ouvra «sablun» da Dumenic Andry es gnüda undrada cun ün dals premis da litteratura chi sun dotats cun 25'000 francs. La publicaziun dad Andry, ch'id es cumparüda l'on passà, cuntegna ün'otantina da poesias. L'autur es creschü sü a Ramosch ed abita hoz a Zuoz. El ha stübgia romanistica a l'Università da Turich ed ha publichà texts in revistas e gazetetas. Da l'on 2002 ha'l publichà «Roba da tschel muond», da l'on 2008 «Uondas» e «Suot tschendra, Sammlung der Schweizer Poesie 11» dal 2013. Implü ha'l scrit e



Dumenic Andry survain per sia ouvra «sablun» il Premi da litteratura da l'Uffizi federal da cultura.

FOTO A. FILLI

prete d'ürant divers ons per la rubrica «Impuls» dal Radio Rumantsch. Andry ha survgni il Premi da promoziun dal chantun

Grischun ed il Premi da la Fundaziun Schiller. Daspö l'on 2014 es el redatur da las Annalas da la Societad Retorumantscha e lavura

sco romanist independent. La surdatta dals Premis da litteratura ha lö in gövgia, ils 15 favrer illa Biblioteca nazionala svizra a Berna.

## Las Chinasas e Podlatchikov

Crap Sogn Gion, il center dils tgaubrochels

DAD AUGUSTIN BEELI / ANR

■ L'aura ha influenzau uonn il Laax Open. Per la tiarza gada ein ils 250 megliers atlets da siglir e far tgaubrochels stai a Laax. L'aura ha influenzau il decuors dall'occurrenza. Il mund ei staus a Laax. Semegliont sco la gliעד dall'economia che s'entaupa ming'onn a Tavau al FEM s'entaupan ils megliers sportists da snowboard al Laax Open. Era giuvnas e giuvens dalla China han ming'onn ambiziuns da separticipar a quella concurrenza. En tut fuvan rodund 250 atlets ed atlets sequalificai, tgi che ha num e pum el mund dil snowboard ei separticipaus al Laax Open 2018. La sentupada annuala, mintgamai la tiarza jamna dil schaner culs finals il vender-



Juri Podlatchikov en acciun al Laax Open 2018 durant il final ella pli gronda mesapipa dil mund.

FOTO LAAX OPEN

gis e la sonda, attraian era adina dapli aspectaturs. Uonn han la massa neiv nova ed il vent bu-

rasclus influenzau las concurrenzas. Quella el parc da siglir, il schinumnu «slopestyle con-

test», han ils organisaturs stuiu annullar. La mesapipa sut il hotel dil Crap Sogn Gion ei stada cumpleinamein el center pils mezfinals e finals. Il Laax Open 2018 han uonn il Svizzer Juri Podlatchikov tiels umens e las Chinasas tier las dunnas dominau. Tiel final dalla sonda han ils organisaturs giu cletg cull'aura. Malgrad ch'ei ha bischau han ins saviu veser ils 14 megliers e las org meglieras dil mund ella mesapipa. La Chinesa Cai Xuetong che fuva daventada igl onn vargau tiarza ei vegnida secunda, gudignau il Laax Open ha sia cumpatriota Jiayu Liu. Tiels umens ha Podlatchikov mussau ch'el ei semtgau per l'Olimpiada ch'entscheiva ils 9 da fevrer a Pjeongchang. El ha gudignau per la quarta gada a Laax.



Communablamein ein Maik Bisquolm e Nicolas Hofstetter (da sen.) sepresentai la mesjamna sera a Trun per raquintar da lur experienschas ed appellar da frenar il mobing.

FOTO S. ROTHMUND

## Ensemen encunter mobing

Anteriurs pertuccai da mobing han discurriu

■ (anr/sr) A Trun el tretetg dalla casa da scola ha giu liug la mesjamna ina sera da discussiun tier la tematica «stop mobing». L'idea d'organisar quella sera per pertuccai da mobing ed interessai ei vegnida da Maik Bisquolm. Il giuvan da 20 onns ei staus pertuccaus da mobing e sia finamira ei da frenar quei «trend» aschi bein sco pusseivel. Per quei ha el era discurriu aviartamein da quei temps ch'ei staus tut auter che sempels e puntuau pliras ga ch'ei drovi la forza da biars per fre-

nar il mobing. Pertuccaus da mobing fuva era Nicolas Hofstetter che ha priu part dalla discussiun, denton sin tut in'otra moda. Il giuvan da 28 onns ei numnadamein staus in che mudergjava ils auters ed a moda zun aviarta ha el concediu co igl ei vegniu aschi lunsch e co el ha dumignau d'anflar ina megliera via. Omisdus dian ch'ei vegnien mai ad emblidar quei ch'ei succediu ed ei vegni ad influenzar lur entira veta.

> PAGINA 5

RECLAMA

LA QUOTIDIANA

Servetsch d'abunents e da distribuziun: tel. 0844 226 226 mail: abo@somedia.ch



RENAULT TAGE: 25.–27. Januar.

Entdecken Sie die grosse Vielfalt der Renault Modelle und profitieren Sie von attraktiven Angeboten. Mehr Infos im beigelegten Renault Magazin und auf renault-tage.ch



RENAULT Passion for life